



Ar gael mewn fformatau hygyrch ar gais.



Bwriad ceisiadau cynllunio amlinellol yw cynorthwyo datblygwyr wrth gael sêl bendith ffurfiol ar egwyddor datblygiadau adeiladu cyn mynd ati i lunio cynlluniau manwl llawn.

Ceisiadau Cynllunio Amlinellol

Paratowyd y nodyn gwybodaeth hwn gan Adran Gynllunio Cyngor Bwrdeistref Sirol Wrecsam ac fe'i bwriedir fel arweiniad dros dro hyd nes y bydd Llywodraeth Cynulliad Cymru wedi cwblhau ei harweiniad.

Ceisiadau Cynllunio Amlinellol

Ers 6 Hydref 2008, mae fformat ceisiadau cynllunio amlinellol wedi newid yng Nghymru ac mae bellach yn dilyn y model a fabwysiadwyd yn Lloegr yn 2006.

O dan amodau cais cynllunio amlinellol, gellir cadw un mater neu fwy "yn ôl" i'w cymeradwyo'n ddiweddarach. Gelwir y rhain yn faterion a gadwyd yn ôl. Bydd hyn yn eich galluogi i ddirnad a yw safle yn addas ar gyfer yr adeilad arfaethedig mewn egwyddor. Yn amlwg, po fwyaf o fanylion y gallwch eu rhoi yn y cam amlinellol, hawddach y bydd i'r Awdurdod Cynllunio Lleol ddeall yr hyn a gynigir ac i ddod i'r penderfyniad priodol.

Y materion a gadwyd yn ôl bellach yw:

- **Mynediad**
- **Golwg**
- **Tirlunio**
- **Gosodiad**
- **Graddfa**

Darperir diffiniadau penodol fel a ganlyn:

Mynediad:- yn ystyried mynediad i'r safle ac oddi mewn iddo i gerbydau, beiciau, cerddwyr o ran lleoli a thrin llwybrau mynediad a chylchdroi a sut y mae'r rhain yn ffitio i'r rhwydwaith mynediad lleol.

Golwg:- agweddau ar adeilad neu le sy'n penderfynu'r effaith weledol a wna gan gynnwys ffurf adeiladol allanol y datblygiad.

Tirlunio:- trin lle preifat a chyhoeddus i wella ac amddiffyn harddwch y safle drwy fesurau caled neu feddal, er enghraifft drwy blannu coed neu lwyni neu sgrinio gyda ffens neu wal.

Gosodiad:- y modd y gosodir adeiladau, ffyrdd/llwybrau a lleoedd agored o fewn y datblygiad a'u perthynas ag adeiladau a lleoedd gwag y tu allan i'r datblygiad.

Graddfa:- uchder, lled a hyd pob adeilad arfaethedig mewn perthynas â'r hyn sydd o'i gwmpas.

Gwybodaeth ychwanegol sydd ei hangen

Hyd yn oed pan fo rhai materion wedi'u cadw i'w cymeradwyo yn y dyfodol, mae gwybodaeth ychwanegol yn ddymunol iawn ar gyfer cynorthwyo i benderfynu ar gais amlinellol. Pan gedwir gosodiad, graddfa a/neu fynediad yn ôl i'w cymeradwyo yn y dyfodol mae Llywodraeth Cynulliad Cymru'n nodi bod manylion pellach yn hanfodol fel rhan o gais amlinellol.

Defnydd: dylid nodi beth yw defnydd/iau arfaethedig y datblygiad ac unrhyw barthau datblygu penodol o fewn y safle.

Maint y Datblygiad: faint o'r datblygiad a arfaethir ar gyfer pob defnydd.

Gosodiad: Brasamcan o leoliad adeiladau, llwybrau/ffyrdd a lleoedd agored a gynhwysir yn y datblygiad arfaethedig.

Graddfa: y ffin uchaf ac isaf ar gyfer uchder, hyd a lled pob adeilad yn y datblygiad arfaethedig.

Mynediad: yr ardal neu ardaloedd lle bwriedir gosod manau mynediad i'r datblygiad.

Mae'n werth cynnwys rhyw lefel sylfaenol o wybodaeth bob amser a fydd yn cynorthwyo'r Swyddog i benderfynu ar eich cais e.e. faint o gludiant, sawl uned. Gallai fod yn ddigonol nodi ystod os nad yw'r nifer gwirioneddol yn hysbys.



Gwybodaeth ychwanegol y gellid gofyn amdani

Yn y gorffennol, gallai ceisiadau cynllunio amlinellol fod dim mwy na chyfeiriad at fap Arolwg Ordians gyda safle wedi'i amlinellu â llinell goch. Hyd yn oed gyda'r newidiadau a grybwyllwyd uchod, bydd cynlluniau amlinellol yn parhau i fod yn llai manwl na cheisiadau llawn.

Fodd bynnag gallai'r Awdurdod Cynllunio Lleol ddal i ystyried na all benderfynu ar gais heb gael manylion ychwanegol. Mewn achos o'r fath gellid cyflwyno Cyfarwyddyd ffurfiol yn gofyn am fanylion ac ni fydd y cais yn symud ymlaen hebdo. Mae hyn yn debygol iawn o ddigwydd mewn Ardaloedd Cadwraeth lle mae'r polisi CDU yn nodi na ddylid rhoi caniatâd amlinellol.

I osgoi oedi diangen efallai y byddai'n werth i chi gael trafodaethau cyn-gyflwyno gyda'r adran gynllunio i weld pa wybodaeth ychwanegol fyddai ei hangen fel y gallwch gyflwyno'r wybodaeth ychwanegol gyda'r cais ac osgoi oedi.

Cofiwch y bydd angen Datganiad Mynediad a rhaid i hwnnw gynnwys pa mor addas yw'r lleoliad a'r nodweddion a ragwelir yn y cynllun manwl.



Am fwy o fanylion cysylltwch â'r:

Adran Cynllunio,
Neuadd y Dref, Stryt Lampint,
Wreccsam, LL11 1AR.
Ffôn: (01978) 292017
Ffacs: (01978) 292502
ebost: planning@wrexham.gov.uk
www.wreccsam.gov.uk

Tachwedd 2008